

Wolffg. Trups.

Podij. May. XV.

Mem. 1523.

1980

L

1067

80000000





802 1067

Mu

\$





Ein gütte nutzliche pre-
dig / von dem rechten gütten glauben
auff das Ewangelium / das man
liest am andernsonntag in der va-
sten Math. xv. gehon durch
Wolfgang Rißpriest
ter von Ulm.

Darbey ain antwort den menschen
die stätz schreyen / man solle die geschrifft
recht verstee / als ob sy allain dieseyend
die sy verstee / vnd sonst nyemants.

Anno .ic. M. D. xxij.



Thema

Weyb groß ist dein glaub dir ge-
schehe wie du wilt Rath xv.

Grosse nodt ist/das yetz alle die/die predigen oder schreyben/sich
mit höchstem fleiß vndersteend/den glauben wider herfür zuprin-
gen/welchem glauben die menschlichen außeren leylichen werck
von den irseligen menschen/ yetz lang zeyt fürgesetzt worden seynd/
Nemlich das der gemain man ains klainen verstands/ia vil dme-
schen/die sich in der hailigen geschriff mit ein klainen verstandt zu
haben vermains die haben von eüssern menschlichen wercken mer
gehalten/dann vom ynnern vn sich barn glauben/vn dem kan nye
mandts kein schuld geben/dann vnser aygen nützigem peyttel/ pres-
digern/dann solten sy biß hieher den glauben herfür gezogen habē
als sy das volck ermant/geraigt/ia genötet haben/klöster kirchen
orglen/zentner messig leychter/gestül/mess gewender/guldin silber-
rin/hülzin staine/gemalt gözen auffzurichten/wiß ich nit wie vil
klöster in teüschland weren. Tun aber ist es darzu kōmen/daz gos
geschick hat/das fleißiger hirren an vil orten worden sindt/welli-
che die schaff gottes nit mer auff der dürren vnfruchtbaren egerten
waydnen wöllen/sonder treyben sy die herd gottes auff einn güte
fayste fruchtbare wissen/das ist auff das wort gottes/auff sein ver-
haffung/auff sein zu sagen/auff den glauben/daran endlich alle
vnser seligkeit stat/vnd gar nit in eüsserlichen wercken/das bezüge
der her: Johannis am iij. do er spricht Ich bin der weeg/die war-
heyt vnd das leben. Vnemandt kōmpt zum vatter dan durch mich
Vn Mar am. xvij. Dis ist mein geliebter sun den solt ir hören Er
sprach nit dicit. Scotum/Thomā/Occam/Chamaracensem/Ly-
ram vnd der gleychen/in in in solt ir hören seyn wort/nit menschen
gedicht/nit Opiniones/laborinthos/damit die spitzfindigen men-
schen ombgeen/dann der herz vns in seym hailgen Ewangelio/vn
Paulus mit im ain lauttern richtigen weeg anzaygen/so mā in vns
nurnit veriaget/verschliez/verfinsteret/mit den hellische gedicht

L 2, 1797

menschllicher spitzfindigkeit/welcher mir der meertail wol geraten
wolten/dann am glauben ligts als miteinander/das bezügt d her
Marci am letzten/do er spricht/Welcher glaubt vnd taufft wirt
der wirt selig) was meer. Wer aber nit glaubt/der wirt verdampft
sihestu wie vil am glauben gelegen ist. *höre zu was sagt vn-*
ser aller Theologus Paulus zu den Römern am dritten/Wir hale
ten das der mensch on aller werck/des gesetz durch den glaubē frum
werd. Vnd ad Ro am i. Durch den glauben wirt der gerecht leben
Ad Ro. am v. Durch den glauben sind wir rechtuertigt vnd haben
frid mit got. Ad. Ro. x. Von hertzen glaubt man so wirt man recht
uertig. Ad Ephesi. vi. Da er sy lernet/wie sy sich in streytwappnen
soltenn. Leretter sy vor allen dingen/das sy des schiltis der tartschen
des glaubens nit vergesse. Ad Ro. iiii. dem Abraham ist seyn glaub
zu ainner gerechtigkeit gerait worden/als auch vnns. Ad Ro. xi.
Durch iren vnglauben sind sy abgehawen worden/du aber durch
dein glauben bist eyngepflanzt. Dissen sprüchen vnd andern meer/
müß man glauben geben/sonst ist es alles vmbsonst/dann nichtz ist
das den menschen gott meer angenäm mache/dann das er seynen
worten glaub vnd gar nichts daran zweiffel. Auch ob der mensch
die ding danon im got sagt nit versteet/es ist seinner verstendnuß
zu subtil zu scharp sferkan im kain Concept formierē dabey ers ver
steen mög noch glaubt ers also vest als ob er es sehe/hör/vñ greyff
dan der glaub ist nit von sichtbarn dingen spricht Paulus. Ad 1. Cor
bros. xi. Vnd der glaub danon wir yetz reden/ist nit ain schlech
te glaubwürdigkeit/sonnder ein steyffer wolbewarte prüftwör/dere
zen ding zu glauben die mit menschlichen verstand nit mögen be
gryffen werden/noch wirckdennoch die steyff hoffnüg in ire gemüt
d; sy glauben eben als sehen sy es mit iren augen vñ greiffends mit
iren henden die ding die sy doch weder sehen noch greyffen mügen
noch glauben sy es nit durch menschlichen verstand/sonnder durch
d; steyff vertrauen das sy haben zu den Worten vñ zusagen des her
zen Spricht Paulus ad 1. Cor. xi. Wie wolten wir versteen od wissen
das alles das gen das in der welt begriffen wirt/von aym ainigen
wort erschaffen were/dann allain durch den glauben/od wellicher
wolt doch on den glauben, zugeben/das vñ vnsichtbarn ding solte

2 ij

Ro. 3

Ro. 1

Ro. v

Ro. x

Eph. vi

Ro. iiii

1. Cor. xi

Können sichtbare ding / ist ym nit also das wir das gen / das wir nit
sehen noch gsehen haben / noch glauben wir es / alain durch die ge-
schuffe die vns sagt / da got die welt / Genesis .i. auß nichten erschaf-
fen hat / vnd so vest glauben wir es / dz ain yeder darauff stirbt so
es notwendig wer / schaw wie es ein ding sey vmb den glauben.

Aber was sagt Paulus ad Hebreos am xi. Was hat gemacht
Abel das Abel von got gerecht gehaissen ist worden / vnd der Chain vn-
cham gerecht. Genesis am iij. Nichts anders dann der glaub. Abel ver-
hofft nit zeytlich nutz zu empfangen / vor sein opffer / sonder mit ey-
rainen hertzen opffert er vnd glaubt got wirt im widerlegen. wo
es seiner gotheit am glegnesten wer / darumb er nit mit dem opfer
sonder mit sein vesten glauben verdient hat / das got meer hat
angesehen sein opffer dan des Chain / durnb spricht Paulus am an-
zaygten Capittel / das on den glaubē vnmüglich sey / dz man got ge-

Noch Was das nit ein grosser glaub / in vertraw den der. **(fall**
Noyhet. Genesis vi da im der her sagt / Er wolt die ganze welt /
das ganz menschlich geschlecht / vnd was das leben het abtügen
durch das wasser / bis an in vnd sein hauff gesind er solt im ein arch-
machen / was das nit ein grosser glaub / das er ein sollich vnerhöret
ding glaubte / Er het vor nie nichts davon weder gehört noch gele-
sen / Es wolt im auch niemands glauben / wo er es sagt vnd ver-
kündt / man aß vnd tranck / man macht heyrat / vnd sucht ein yeder
sein nutz für vnd für / so lang bis die zeyt kam das menglich sahe
im was.

Was behielt den Noy bey leben / seyn glaub / wie
wiewol es in sein sum vnmöglich was / noch glaubt er es / dann er
glaubt got möcht im nie liegen.

Abraha Was meer / wie oft haben wir im alten testament / das der güte
frumt man Abraham got vnd seyn worden vnd zusagen glaube
hab. Am ersten Genesis am xi. Was ist doch dem menschen an-
genemers steplichers dann sein aygen vatter land / darinn ainer zo-
gen vnd pom wirt / noch auß haiffung gottes verließ Abraham dz
selbig / vnd zoh in ain land das im unbekannt was / woz machts /
er vertrawet got dem herzen / das er seyn worten krafft wird geben /
dan er verhieß im / er wolt im mache ain vatter viler völcfer / vñ sein
samen merē / als die stern des hymels. Der herr gab im der ding we-

Der balleff noch sigel/noch glaubt er allain den worten/ vnd zweyfelte mit der herr wirt im halten sein zusagen. Am andern do glaubete Abraham Genesis am xvij. Do im der herr erschien vnd im sagte Er solt erkennen seyn hauffrawen Saraim/ so wirt sy emp fahen vñ geporne ein sun. Abraham wie wol er ain alter krancker man was/ vnd seiner hauffraw Saraim/ ire weypliche recht/ vergangen warēt/ also das vnmüglich was/ das sy von im erst ain kind emp fahen solt/ noch glaubt/ Abraham den worten des herren/ vñnd gebare im sein hauffraw erst ein sun. Genesis am xxi. Am dritten/ was das nit auch ein zaichē ains grossen glaubens zu got/ vom Abraam (do im der herr het geben/ ain sun über natürlich/ da gepot er im er solt in im zu ein opffer auffopffern Genesis am xxiij. Der herre het im verhaissen durch disen seyn sun/ seyn somen zu meren/ vnd ehe er recht manbar ward/ hieß er in wider tödtē. Abraham was gehorsam Sprach nit herr/ was ist das/ dz du also mit mir handelst/ du hast mir geben ain sun/ durch den du mir verhaissen hast mein somē zu meren/ als den sand des möres/ vnd yetz hayst mich in wider tödten. Nichts des dings vberal/ sonder er was gehorsam/ vñ zweyfelte nit/ ob er schon vmb den sun kām noch wirt im got halten sein zusagen/ dann er weist das im sein got nit liegen möcht/ hast yetz wz der ge-
laub im Abraam gewüreckt hat.

E Item nim für dich den Moysen/ was nit ain zaichen ^{das} des grossen starcken glaubens/ nach dem die tochter Pharaonis erzogē het. Exodi. ij. vnd im gross reychē vmb/ zeytlicher vñnd glücklich ystündt/ noch verachters als vnd verließ den küniglichen Hoff Pharaonis/ vnd wolt lieber mit dem volck gottes alles das gern leyden/ das ym got zu schicket/ dann das er der falschen welt/ eer/ vñnd gü diennē solt/ was nit ain gross/ er veracht die glory/ reychtūb vnd eer/ darim er was vñnd wol belyben wār/ die er zu gegen sach/ vnd keret sich zu den dingen die er weder sehen noch greyssen mocht. Ja welche ding er in seiner verstemuß nit begreyssen mocht/ das was zu dem glauben/ das er den worten gottes glauben gab/ da er in in Egiptē schycket Exodi. ij. Was es nit ain zaichen ains vesteren glaubens/ das sich Moyses vnderstünd das volck auß egipten zu fuerren wider den willen Pharaonis/ vñnd ingang nit forcht. Exodi am xij. Sonder

Moyses
1100

A. ij.



Moyse Vertraut er Gott sein Herren den er nit sahe/als ob er in mitt hores
Crafft mit im ziehen sehe. *Hör durch got/was das nit einn*
groffer glaub/das Moyses dem herren glaubt/wann er mit d rüte
inn das rot möreschlug das es sich zertaylen wird/wie zwen perge/
vnd mit trucknem füß hindurch geen *Exodi am. xij. het er den*
worden gottes nit glaubt/so müßt er lang geschlagen habenn bisß
es trucken wer worden/durch den glauben geschah es/nitt durch

Moyse die krafft der rüthen. *Weyter wer wolt gedencfen das auß*
ein herren velfen solt wasser rinnen/wenn man mit einer hülz in
rüthen daran schlug/wie das geschah *Exodi xvij. allain auß dem*
glauben Moysy. *Item nym für dich den Josue/was dz nit*

Josue ain unbeweglicher glaub/den der Josue vnd sein volck het. Josue
vnd das die mauren der statt ihericho vmb vielen on allen sturm on
als geschosß/allain vom gsang vnd pfeyffen/das sy sibem tag nach
einander theten/wann sy gering vmb die stat zugen/mit sampt der
Arch/sy müßten die Arch lang singend vnd pfeyffend herumb tra-
gen haben/das die maur prochen war/wann sy der verhaiffung got-
tes nit glaubt hetten. *Was nit ein sonder groß ding/das got*

Raal wirckhet durch den glauben in der hürn Raab. *Josue ij. Cosyer*
kant vnd sahe die zwen menner die zu ir kamen/vnd wolten erfa-
ren vnd erkundenn/die macht der statt ihericho/das sy/sy erkant
als frainlich gots vñ halff in mit gewalt heymlich vber die maur
hinauß/wiewol sy wist/das sy darumb da waren/das sy wider yr
vatterland handlen wolten/noch macht der glaub/das sy den vnns-
bekanten frembten menner genaygter was dann irem aygnen vater-
terland. *Was wöll mir sagen von dem glauben Gedeonis*

was wunder werck hat er nur verpracht/durch sein vesten glauben
das er der zusagung gottes glaubt/wie wir haben *Judicum v. vi*
vij. durch auß. *Vnd Sampson/hat er nit groß sachen bestan*
dens im glauben vnd hyn auß pracht/ *Judicum xij. xv. xvi. xvij.*
durch auß liß wil du es nit glauben

Dauid Item vnns David müß auch herfür/was das nit einn groffer
glaub vnd vertrau den er zu got het/das er sich vnderstünd/zü kem-
pfen mit dem groffen starcken vngheüren Goliath. *i Regum xvij.*
was macht das er sig vnd dem Goliath seyn haubt abschlug/allay



8 glaub/er glaubt so vest got würtim beystand thun/das er nichts
für die sorg her geben/anderst dan er wölt den sig behalten/allayn
durch die hilff Gottes.

Ach wie vil wölt ich der noch erzelen
auff dem alten testamenn/die grosse ding gethon haben durch den
glauben Pau. ad Heb. xi. spricht zu erzelen das dz got gewürcktt hat
durch die Propheten im alten gesatz/wer vil zu lang zu erzelen In
süma sy haben in irem starcken glauben zwinngen die Keych dyser
welt vnd vnder sy sprach haben gewürckt gerechtigtait vñ erlange
darumb iren lon die ewig freud.

Weytter nym für dich/das
new Testamenn/schaw wie vil sind durch den glauben gesund wor-
den von grossen kräfft haitten/wie vil sind da ir sünd vergebe wor-
den durch den glauben.

Am ersten/was nit ein groß ding
das der glaub würcket in Petro vnd andrea/da sy fischten Matthei
am iij. Der herz sprach nit meer woll auffir gesellschafft wäyß euch
ein andie arbeit/Ich wil fischer der menschen auß euch machen/vñ
stundan folgten sy im nach.

Am andern/er sahe zwen and
Jacobum vnd Johannē die fassen vnd pesserten ire netz/ Der herz
sprach zu ihm folgt mir nach/ gleych waren sy gehorsam vbi supra

Am dritten/nym für dich das ewangelii das man als herwt
list/in welchem die wort meins anfangs begriffen steend Mat. xv.
Wol es mich verursacht hat ein solch predig/vom glauben zū schrey-
ben/hör zu was glaubens het das weyb auß Cana in Galilea ge-
legē/die het ein tochter/die ward schwerlich bekümmert mit dem tei-
ffel Do sy kam zūm hern/schry sy mit lautter stim/ herz ein sun David
erbarm dich mein/dan mein tochter wirtschwerlich bekümmert vñ
teiffel. Der herz wolt probiere ire glauben wie bestendig sy seyn wa-
lpon gleychfnet gleychsam het ers nit gehört/die iunger manne de he-
ren er solt sy doch hören Ihesus antwort in/ich bin nit gesandt dan
nur allain zu deschefflin die verloren hond das haus israel/die frau
liesz nit nach sy hofft für vñ für/vñ schrey herz hilff mir dher kert sy
zu ir sprechē. Es ist nit gut dz mā den kinden nem dz pro vñnd geb
es den hundenn. Merck der herz nennit sy ain hundi/noch verharret
sy vnd sprach. Ja herz es ist war/das ist aber auch hynwider war/
das die klainen hündlin offt essen von dem bösem lin die da fallen/
von dem tisch irer herzen Do der herz die bestendigkait der frauen

Petrus
Andreas

Jacobus
Johannes

vernām der glaub was vberflüssig in ir. Sprach der herz W weiß
groß ist deyn glaub/ dir geschehe wie du wilt.

*Aussagen
an*

Item Marci i. haben wir vom aussätzigen menschen der kam
zu dem hern vnd sprach. Herz wilt du so magst du mich reinigen
vom aussatz/höre zu was der mensch für ein glauben gehabt hat/
Ihesus do er erkant sein glauben Sprach er. Ich wil werd rayn
oder gesundt/von stundan augenplickling ist er rayn worden

freilich

Das freilich das ir kranckheyt zwölff gänge iar gehabt her Mar
ci. am v. gedacht ir/möchte ich nur so naher zu diesem fromen Ihesu
von nazaret kōmen/das ich möcht berühren den saum seines klaydes
So glaub ich vestiglich ich wolt gesundt werden/Wie sy glaubet

Centurio

also geschach auch ir Vom Centurione hast Luce am vij.
Welches sun in Capharnaū kranck lag/der her verwilliget sicher
wolt in sein hauß kommen/vnd sein sun gesundt machen Centurio
hüb an vnd bekandt mit dem munden glaubenden er het im her
zen vnd sprach. Herz es ist on not/das du von der kranckheit wegen
in mein hauß geest/ich bin sein nit würdig/nu bin ich doch nur ein
mensch/noch hab ich so vil macht/das ich zu mein diennern sag zu
eyn gee hin/sagter zu ein andern kum/so kompt er/Als wolt er sa
gen/noch vil meer hast du gewalt der kranckheit meins suns zuge
pieten. Diu weyl du nit ein mensch bist als ich/sonder gott/dem doch
alle ding gehorsam sein müssen vnd sind wie mir meyn knecht Sp
rich nur ein wort so wirt mein sun gesundt. Der her lobt Centurio
nem/vn sprach. Er het in Israel kein sollichen glauben funden.

Jayrus

Kym für dich Jayrus von dem wir haben Luce. vij. der kam vn
viel dem herren zu füssen/vnd bat in er solt kōmen in seyn hauß vnd
im seyntochter gesundt machen/in dem kam seyn diener vnd sager
im/er solt den herren ungemuet lassen/sy wer schon todt/als wolt er
sagen/es ist zu spat er müst pelder ganngen sein/wolter sie gesunde
gemachet haben. Do das höret der herz/sprach er zu dem vatter der
gestorben tochter. Fürcht dir nie glaub nur so wirt sy wid lebendig
Des gleychen lesen wir vom plinden Luce am dem xvij. Welliche
hystori ein yeden gemain ist. 20 +

Magdalen

Noch meer nim für dich mariam Magdalenam welche Lucas
am v. vij. ain sūnderin neunt. Als sie vernam das der herz bey dem

+ Quid vis ut facia ri, At ille dixit, Dicit
ut videam, Et itaq dixit illi, Responde,
fides tua te saluum fiet. Et respondit vidu, Et
stuba² illu magnificas Deu, A eius plect
2

Remittit² u² q²ia ma² fido² ma² salu² te² f².
Vade in par² / 20. Justificati ex fide par² habet².

Phariseo zu tisch was gefessen/ist sy vnerschrocken mit grossem gew
lanben vnd hohem vertrauen hineyn gangen/ gefallen für die füß
des herren/angefangen pitterlich haß zu wainen/vn so reulich ver
gossen die zeher irer augen/das sy mit dem wasser irer augen wusch
die füß des herren vnd vnd trücknet sy mit den löcken ires hares.
Do das sahe der phariseus der sonder geacht mensch eigert er sich
ab dem herren/vnd sprach in im selbs. War diser ain prophet solt
er pillich wissen was das für ein gütte gesellin war/solt sy billich nit
also mit im handte lassen. Der herri straffte in mit einer geleychnuß
wie der ewangelist anzeigt. Vnd kert sich zu dem weyb/vnd spr
ach. Weyb dir werden verzigten deinsünd.

Item vom Zacheo Luce an dem xviii. Vom Martheo der ann dē
offnen zol saß am ir. vnd Johannis am ri. Do Lazarus ain brüder
Marthe todt was. Sprach Marth zu dem herren. O herri werest
du hie gewest so wer mein brüder Lazarus nit todt. Der herri spr
ach. Ich bin die vstend vnd das leben/wer in mich glaubt vnd ob er
schon todt ist noch wirt er dennoch leben/glaubest du das Marth
Sy antwort im vnd sprach. O herri ich glaub das/vnd noch
meer ich glaub das du seyest ain sunn des waren lebendigen gottes
der kommen sey in dise wele.

Hett Maria dem engel nit glaubt Luce i. do er ir verkündett wie
sy wunderbarlich vom hailigen gaist empfangen wirt/vnd gepern
ain sun/ir rainigkeit/keuschait/demüthigkeit war lang nit genüg
gewest/so bald sy aber dem engel glauben gab/wie woles über ir
verstantnuß was/sy mochts in irem gemüet nit begreiffen noch ge
laubet sy dem engel/vnd sprach. My war ain dienerin des herren
mir geschach nach deynen worten.

Vnd gleychen sprüch ist das ewangelium vñ. Darbey vns
gründelich anzeigt wirt/wie groß ding es sey vmb den glauben/da
von wir yetz geredt habent. Ich main nicht den glauben davon der
frum Judas in seyner Epistel sagt. Welche glauben er ain traum
hayst/den in die menschen also selb eingeben/vnd hayssen alles dz
glaubend das sy in selbs ein gebē/durch ir aygen rät/on gottes gnad
vnd wollen das nit mercken, da sich diser güt glaub nit mit mensch
lichen gedancken machen laßt. Sonder ist diser glaub ain lautter

Martho
Lazarus

Martha

Maria

B

gottes gab vnd werck/ on all vnser züthün/wie Paulus sagt zu
den Römern am fünften/Es ist ein gottgab/ vnd gnad durch Cris-
stum erworben/welcher so er im menschenzünde wirternewer
vnd gepürt gleichsam ain newen menschen/vn dan so ist vnmü-
glich das der selb menschen welichem das edel liecht von Christo an-
zündet pründt sewer/sonnder freywillig on alles gepot thüt güttes
werck/wie er von im selb ist vnd trinckt schlaff vnd wach/des
gib dir Christus ain gleichnus Mathey vij do er spricht Ein gü-
ter baum bringe gut frucht/ ain böser baum bringe böß frucht sich
stu das nit die frucht den baum gut machen/sonder vor allen ding
en vor allen fruchten muß der baum güts seyn/wie er euch sagt

Mathey am xij. Macht ainntweder den baum güts so werden die
frucht gut/oder mache den baum böß/so werden die frucht böß.

Also müsse es auch stracks war sein/das der mensche on alle güte
werck muß frum gemacht sein vndom glauben/darauß beschlüsse ich
gar das alle die euffern menschliche werck die der mensch thüt auß-
serhalb des glaubens yes anzagist als sünd vnd nit verdienlich.
Vnd ob du dich schon schynden/pratten laßt fast dich vnünftig/
peet dich tollkuff zu disem vnd yhenem hailigen bis du krümest/
ich gib dir nit ein pirnstil darumb/dann alles das kan ain türcke/
heyde eben als wol als du/er kan wol als ein grosse kirchen bawen
mit allerlay zier vnd gözen als du/es ist im aber nit verdienstlich/
warumb/ey das liecht brennt nit

Das bezeugt Christus do er sagt. Wie mügt ir güts reden weyl
ir böß seydt. Also auch wie mügt ir güts thün/weyl ir böß seydt/wer
nim disen glauben nit hat der wayß nichts von wercken dan er hat
nit empfunden/vnd treybt sy nur selbs vmb/vnd wayßt nit was er
thüt/andere dann das er also auff seyn menschlichen wercke vmb-
geet/so doch die rechte alt hailig geschriben glauben vnd die euf-
fern werck/nit vnser macht/sonder gots allain haim seyn. Dieweyl
wir nit nichts verpringen mögen auch der euffern leylichen werck
on den willen vnd verhengnus gots/wie der herr auch im ewange-
lio anzeigt/do er spricht On mich ver mügt ir nichts Vn Paulus i.
Counthe vij. Bezeugt das auch. Item Mathey vij. ist im nit also/
ain spöigt oder spatzist ein vnachbarer vogel das man fünff vmb

1. *Empfunden*
Licht

ainhaller gte/nach veltir kainer auff die erdon den willen gottes
Jacobus in feyner Canonick. Als gürmüß von oben herab kōmen/
Ist das war das wir das weniger nit von vns selb verpringen mö-
gen/wie wōl wir das meer vnnnd gröffer gütt werck von vns selbs
machen/das ist den glauben/wie müße wir im dan thun Also/wir
müssen got darumb bitten/wie die zwölff apostolen heten/vnd sprech-
en Herz meer vns den glauben/dan er hat vns an vil orten verhaif-
fen alles das gen/das wir in bitten seyn/vnd glaube er werde vns
erhören/so wolle er es thun/wir müssen aber verharren/vnnnd nicht
nachlassen/wie das freilin/ob er schon niegleych kompt/dann er
verzeücht erwan damit er den menschen probieren seym glauben/
dann niemandt wirt kōnt dann der ritterlich streyt/vnd der verhar-
ret biß an das end der wirt selig. Math. am. xxiij. Merck zu
ain beschluß diser predig W; hat behalten den schacher am creutz
Luce am xxiij. Ist im nit also sein glaub. Er her seyn tag mit seyden
gespinnen/nach ward er erleucht vor seinem ende. Er straffte seynen
gesellen/vnd sprach. Weder fürchtst nie got/wir nemen erst vnsern
verdienten lon/diser aber hat kain vbel nie gethan/sonder vmb vn-
schuld hangt er da/vnd sprach Herz gedencf mein wann du komst
in deyn reych Als wölter gesagt haben. Herz gleych yetz ist es an de-
das ich auß diser welt schaiden müß/vnd der teuffel wart schon/dz
er meyn seel für im abgrundt der hellen/vnnnd hab kain anderen
trost meer auff erd dann allain zu dir großmechtiger got allain du
helffest mir sonst pin ich ewigklich verloren/darumb laß mich nit
mein ainige hoffnung vnnnd einiger trost. Der herz do erfand
ain sollichen glauben/gewert er in seins gepets/vnnnd sprach Heut
wirft du bey mir seyn im paradeyß/von wannen kam dem schacher
er der glaub/het er in auß im selbs/nain/heter in von ein mensche
nain/von wannen kam er im dann/ey es was ain got gab/er kam
im von got/darumb verzag nit ob das liecht schon niegleych prin-
nen wil/got der almechtig verzeücht ain zeit lang/nit stee ab/sond
verharre im pite vnd glaub das er dich nit lassen werde. so wirst du
gewiß geweret/ob er schon verzeücht biß in das todpedt/laß dz nit
nach dem wie der schacher/vnnnd dann so du also verharrest wirt
deyn got ain wolgeuallen ab dir haben vnd wirt dir halten seyn zu

Schach

sagen/dann er kan dir nit liegen/hymel vnd erd werden zergehen/sey
ne wort aber/mügen nit zergehen Luce am xxi. Capittel.

Got zu lob mein einige hoffnung

Ein antwort etlichen menschen

Die schreyen vnd wollen man sol die geschriffte
recht verstecken/als ob sie allain die seyn

Die sy recht verstecken.

Man sol die geschriffte recht verstecken/sprichstu Antwort ich die
also. Wer versteet sy recht/Münich vnd pfaffen die auff den hohen
pandhofen/vnd grossen kappen/wo hat man meer Kezer funden
dann vander in. Ich glaub wems der hailig gayst eyngeb der ver
steet sy recht/Er sey Doctor/maister münich/pfaff oder pauer/hatt
der hailig gayst sant Peter/vnd ander toll ainfeltig layen/verstade
geben der hailigen geschriffte vor den grossen doctorn vnd maystern
zu achten/vor den Rabi vnd Mossy zu Iherusalem/warumb ist
es mir dann vnd meines geleychen versagt/solt ich oder ein lay nit
so woll mercken was die mainnung der hailige geschriffte war als
ain grosser pfaff oder münich/oder sey wir nis als wol Christe/vnd
iunger Christe als ir/oder haben wir nit auch als vil am himelrey
che als ir oder gilt es vnns ein alte hosen/ir macht euch selbs gross
darumb verpirg sich der hailig gayst vor euch.

Item Wer sagt mir/ob ir die geschriffte recht verstecke oder Luth
er/warumb müss ich euch meer glauben dann im/ir habt dan mer
d rechten guten geschriffte dan er welchs nit ist/dz menschen gswetz
habt ir wol meer/es gilt mir aber nichts/die recht götliche ewange
lisch schriffte/müss richter seyn/nit Paris/nit Papst/nit der pfarhof
Ich glaub was die hailig Christenlich kirch glaubt/was glaube
sy Thomam/Scorum .rc.nayn sy/was dann das Ewangeliom/
Paulum vnd die Propheten.rc.

Warumb pindt ir sünd in klaidern/speys/tranck/seyr/so Paulus
sollich verpönt/ habt ir nie gelesen/ ad Thimotheum am vier
den Do er spricht Es werden auffstehen zu den leztenzeiten menn
schen die werden verpieten den zelichen stand/ werden sündsetzen
auffspeys vnd tranck/ werdens verpieten welche got dem menschen
zu nutz erschaffen hat/ das er die mit danck berait esse sol/ warumb
nit das dich Paulus ad Romannos am xij. lert das der welcher
nit allerlay ist den nit vrtaylen noch verachten sol/ vñ her widerüb
der gleychen Wo hat euch Christus haissen graw/plaw/schwarz
oder weys gewand tragen/haben wir nit allein oden/seyn wir nit
all Christen vñ getaufft in dem plüt Christi/hab wir nit ain Süss
ter vnser ersten vnd pesten ordens Christum/schambt ir euch dis
hauptmans dises Regelsetzers/oder ist Franciscus/Dominicus für
euch gestorben/oder maint ir Christus het nit auch ein sollichen or
den stiften mögen/wann es im gefallen het/lieber laßt vnseren or
den euch auch gefallen/vñ laßt vns mit euch hinsaren/macht euch
nit gröffer dann wir seind/Sag mir was sagt man dir vor/wann
du sterben wilt/halt man dir Franciscum/Dominicum vor/oder
sagt man dir von plawen kütte/nain freylich/man helt dir den plüt
tigen Ihesum für/vñ das billich/schaw wamit gee mir vmb/der
teuffel hat euch die klaiden tragen haissen/damit er euch als seyn
volck auß Christus volcker kenn.

Warumb leßt ir Luthern so ir nit wist was er schreybt/dan ew
er thainer list in/wie darff ainer ainding vrtailen/das er nit erkent
oder wist ir nit das Paulus sagt. Das man die newen gayst prob
bieren sol/ob sy reden auß got oder auß dem teuffel/vñ was gut ist/
sol man loben/wolt ir in vrtailen/thütes mit vermunnfft/es gilt nit
ain alte kappen/Es ist ain sach got vñ den glauben betreffend
Got wist doch wol das Adam gesündet het/nach stellet er in amme
ersten zu red/vnd darnach vrtailt er in erst/RAIN dieb/RAIN morder
sol genaitt werden/dann man verhörit in am ersten gnütsam/wild
in vrtailen bis nit aygen hirntg/besich in bass am hefft/es ist ain
puzpacher er wirt dir nit als vbel schmecken wan du in recht list.

Spüchst/ich darff in nit lesen/warumb. EYES ist mir verpönt
ad qd Rho laß verpönt seyn/wist du doch leyden/das man den

teuffel in die kirchen walt/welcher doch gar nit daren gehört Ist
dir doch nit verpotten das du die schendlichen poeten last als Ovid
dium/Catullum/Tibullum/1c. die nichts anders leren dann bülen
Warumb wolt dir dann verpotten sein zu lesen/das da dienet vnd
gehört zu der eere gottes.

Ist Luthers schreyben kezerisch wie du sagst/so liß so kanstu
dich darnor hieten Paulus spricht Die sünd werd mit erkant/er
habs auch nit erkant/dann allain durch das gesetz/wie kanstu wiß
ssen ob es gut oder böß sey/so du es nie gelesen hast.

Spriechst es ist wider die Christenlich kirch vnd ir gepott/sprich
ich/ich wayß nit/was du für ein Christlich kirch hast/das halt ich
nit für die Christenlich kirch/die etwas anders lert/dann Christus
Paulus vnd die Propheten gelert haben Vun die du für Christen
lich helist die haben dich vil gelert ia dir vil gepotten davon dir dz
haubt der rechten kirchen/nichts gesage hat/das ist Christus/dar
kumb wayß ich kein hailigen vatter/noch lerer glauben zu geben
der mich etwas anders lert/dann Christus die Apostel vñ Prophe
ten gelert haben das thut Luther nit/sonder all seyn fleyß vnd ernst
ist/das er mich ziehe zu Christo/vnd seyn worten den selben glaubē
geb vnd nit davon weych/vnd das nit durch seyne wort/sond durch
die schrifft/wider welliche die porten der helle nicht mügen ob sy sch
on sich dar wider setzen/wirt es doch nit helffen sonder wirt Christ
sein kirchen die menschen die er in ewigkayt mit dem Abraam zu
der ewigen seligkeit/fürsehen hat nit verlassen.

Vnd ob schon die kirch Christi ain weyl durchächt wirt/schat nit
Paulus ad Romanos ultimo/hat wol gewist/das etlich könen
würden die das Ewangeliem verfolgen würden Darumb sprac
he er/ich wayß wol das vil seynd/welichen das ewangeliem wid
wertig ist/durch welliche der teuffel sich vndersteet das hyl der mē
schen zu hindern Etlich wöllens abtreiben mit irer verfolgung/
Etlich annder vnder einer gestalt der gaystlichkeit aber ainne fal
schen erdichten ia sprich ich/weychen sy ab von der freyhait Christi
vnd geben sich frey willig wider vnder das gesetz Moysi/von wel
lichen wir nit mit gelt/nit mit pogts plüt/sonder mit des frum
menn Ihesu von nazaret plüt erkauft/erlöst vnd erlediget sind

worden.

Darumb ir all die vorzeyten/ir zeyt in der vnnützen heydnischen
philosophy verzert habt/ yetz aber die recht war weyßheit Christi
ingenommen habt für die menschliche loquenz die ir vorzeyt prau
het habt. Redt ir yetz als die erleuchten/hymliche ding/in welch
er erleuchtung ir das pest ermessen habt/vnd steyß biß hieher ver
hart Darumb die ewangelisch warheit vnd Christi glaub erleych
ter vñ steyßer gemacht worden ist/nit laß euch abtreybē mit schreck
potten/seyt bestendig got wirt vns vnd seyn ewangelium nit verla
ßen/doch müssen wir schawen das wir nit in vns selb vnd vnnser
kunst hoffen/oder es wirt vns fälen/sonder meer got vertrauen der
Ehain seiner hoffnung verzeych/sonder steyß on allen frel helt er
seyn zusagen eym yeden/darumb laßt vns glauben das der/der vns
von im selb on vnnser wissen/auff den rechten weeg pracht hat/sey
nes hailigen ewangelij vnd verhayßung/werde vns helffen das
wir bestendig verharren werden biß an das ende/vnd gar nit ab
weychen./weder durch ferner/noch wasser/dann dem liebhaber ist
nichts zū schwär/sonder mit ringer handt verpringt er alles das
in die lieb zū wirt. Amen.

[Faint, illegible text, likely bleed-through from the reverse side of the page.]





80L 1067

X2208406

311.





Ein gütte nutzliche predig / von dem rechten gütten glauben
auff das Euangelium / das man
liffte am andernsonntag in der va
sten Math. xv. gehon durch
Wolffgang Rißpüest
ter von Ulm.

Warbey ain antwort den menschen
die stätz schreyen / man solle die geschrifft
recht versteen / als ob sy allain dieseyend
die sy versteen / vnnnd sonst nyemants.

Anno. M. D. XXXIIJ.

